



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 53. S. Hieronymus Constantinopoli.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

Sæculum IV.
A. C. 379.

§. LIII.

S. Hieronymus Constantinopoli.

De Script. in Greg. sup. Circa illud tempus S. Hieronymus Constantinopolim venit, ut S. Gregorium Nazianzenum audiret, quem exinde semper ut Magistrum coluit. Calumnias eorum non ferens, qui ipsum erroris in fide de Trinitate accusarent, quod tres Hypostasies dicere nollet, relicta Syria eremose Jerosolymam se contulit, & aliquo tempore Bethlehemi mansit; Paulinus Episcopus Antiochenus invitum in Presbyterum ordinavit, & ea solum conditione vitam solitariam relinquere cogebatur. Nec diutius Antiochiæ morari voluit, ne ab eo exigerent, ut prædicaret, & officiis Presbyteri fungeretur; cum ergo Constantinopolim venisset, aliquandiu cum S. Gregorio habitavit, eo Magistro S. Scripturæ studens, quod ipse hinc inde in suis Scriptis testatur. Aliquando rogavit Gregorium, ut sibi explicaret, quid vellent illa verba apud S. Lucam.

Ep. 2. ad Nepot. c. 10. *Luc. 6. 1.* *In Sabbato secundo, primo.* S. Gregorius cum lepore respondit: *id te docebo in Ecclesia, ubi omnes tibi applaudunt; ibi simulare cogaris, te scire, quæ nescis, enim solus taceas, omnes te hominem stupidum credent.* Ex his verbis dispicitur S. Gregorium, quanti acclamationes populi faciendæ essent, non ignorasse, qui

ut ait S. Hieronymus, admirari solet maxime, quæ minime intelligit. Constantinopoli S. Hieronymus amicorum precibus cedens, & ut proprii ingenii experimentum caperet, properanter composuit exiguum Tractatum de visione, quæ in Isa. 6. circa illud etiam tempus creditur Chronicum Eusebii latinitate donasse, illudque duobus amicorum Vincentio Presbytero, & Galieno dedicasse.

Sæculum IV.
A. C. 379.

in Isa. 6.

§. LIV.

Baptismus Theodosii.

Imperator Theodosius Religionem Christianam, & fidei Nicænæ Professionem a Majoribus suis acceperat, sed necdum baptizatus, cum Thessalonicæ in morbum incidisset, baptizari voluit. Accersito Episcopo, ante omnia interrogavit, quæ esset fides ejus? erat autem tunc Episcopus Thessalonicensis S. Ascolus; is respondit Imperatori, se fidem Nicænâ profiteri, atque totum Illyricum semper hanc fidem tenuisse, nec unquam hanc provinciam Arianorum Hæresi corruptam; quod de Illyrico Orientali, in quo Macedonia, cujus Thessalonica Metropolis erat, continebatur, intelligi debet. Imperator, gaudens ob felicem occursum, Baptismum manibus S. Ascoli accepit, & paucos post dies etiam sanitati corporis restitutus est.

Socr. V. c. 6.
Soz. VII. c. 4.
Prosp. Chron. ann. 381.

S. Asco-